

BOSNA I HERCEGOVINA
FEDERACIJA BOSNE I HERCEGOVINE
**FEDERALNA UPRAVA ZA
INSPEKCIJSKE POSLOVE**

BOSNIA AND HERZEGOVINA
FEDERATION OF BOSNIA AND
HERZEGOVINA
**FEDERAL DEPARTMENT FOR
INSPECTION AFFAIRS**

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
**ФЕДЕРАЛНА УПРАВА ЗА
ИНСПЕКЦИЈСКЕ ПОСЛОВЕ**

Broj: 01-02-3-03571-1/2015
Sarajevo, 16.09. 2015.g.

- FEDERACIJA BOSNE I HERCEGOVINE
- **VLADA FEDERACIJE BIH**
Generalni sekretarijat
n/r gđa. EDITA KALAJDŽIĆ, Sekretar Vlade

Veza; Vaš akt br. 03-33-1399/2014 od 14.09.2015.g.

**Predmet: Dopuna Godišnjeg Plana rada za 2015.g.,
Federalne uprave za inspekcijske poslove - dostavlja se**

Poštovani,

U povodu razmatranja Godišnjeg Plana rada za 2015.g., Federalne uprave za inspekcijske poslove na 20. sjednici Vlade Federacije BiH dana 03.09.2015.g., te Zaključka V. broj: 1157/2015 od 03.09.2015.g., a u skladu sa diskusijama i zahtjevom određenih članova Vlade sadržanih u stenogramu vezanog za ovu tačku, dostavljamo dopunu navedenog plana sa slijedećim pojašnjenjem.

Ova Uprava je u predviđenom roku dostavila Vladi Federacije BiH Plan rada za 2015.g., i to 12.12.2014.godine koji nije bio razmatran sve do septembra mjeseca 2015.g., kada je navedeni dokument već bio najvećim dijelom u svojoj implementaciji.

Želimo istaći da su pojedinačni planovi rada operativnih org. jedinica ove Uprave – Inspektorata usaglašeni prilikom izrade sa resornim ministarstvima čije zakone nadziru nadležne inspekcije, te su isti involvirani u strateški dokument Plana Uprave koji je također usklađen sa naknadno donesenim Planom rada Vlade Federacije BiH od 02.07.2015.g., gdje je isključivo zbog tog razloga nastupilo kašnjenje u razmatranju predmetnog dokumenta.

Dostavljeni Plan rada Federalne uprave za inspekcijske poslove sačinjen je u skladu sa predviđenom metodologijom strateškog planiranja koja je definisana Uredbom o planiranju rada i izvještavanju o radu Vlade Federacije BiH, federalnih ministarstava i institucija (Sl.novine Federacije BiH br. 89/14) u formatu i sadržaju kako je predviđeno Čl. 18. navedene Uredbe. U skladu sa navedenim svakako da ovaj dokument ne sadrži sve one detaljne podatke koji su naglašeni u diskusijama članova Vlade Federacije jer to predviđeni način planiranja po Uredbi znatno ograničava i to se ne može prikazati ukoliko se želi primijeniti navedena uredba, u suprotnom ne bi se ispoštovala uredba i taj Plan bi bio izvan službene forme.